

Maktubm deet deet kɛn Pɔl raanɔɔ eglizn

Tesalonik ki

Kupm mɛtn taar taadjeki doobm gen dooy maktubm deet deet kɛn Pɔl raanɔɔ eglizn Tesalonik ki

Eglizn Tesalonik ki se, Pɔl ɔndin kaaf kɛn naan inɔo merte gen k-dige gen tɛdn naabm Raa se. Naan iino geger Pilip ki ɔ baado aan maakɔ geger kɛn Tesalonik ki. Geger Tesalonik se, naan maakɔ taa naan Masedoan ki. Jee Tesalonik ki se naabden kɛn naade lee tɛf se, naade lee tɛf suuk. ɔ naade ɔk cekge dena ɔ denin se Yaudge. Yaudgen metinge se took do taar kɛn Pɔl lee dooy jeege se eyo. Taa naan se bo naade tuurin gɔtn ese. Pɔl raan jeege tun Tesalonik kɛn took aalga maakde do Isa ki ɔ ute maktubm se bo naan lee dooyde. Jee jeel taadn tɔokɔ mɛtn Kitapm Raa se, saap ɔ maktubm ara se bo, 'tɛdn maktubm kɛn Pɔl raan deet deet jee al-Masige tu. Kɛn bin num maktubm ara se, maakɔ Kitapm kɛn Raa dook kiji ute jeege se, naan bo k'raanin deete. Pɔl ɛf kaay kaama genaage tun Tesalonik ki ɔ taadden ɔ kaal maakden do Isa al-Masi ki se, j'ɔkin ɔnɔ k'baansin ute naanina. Jee metinge maakɔ jee Raage tu se ooyga kooyo nabo Isa le aan te ey bɔrtɔ. Jee Raage se tɔnd mɛtn Pɔl ɔ jeege ooy se tap bo gen naade se 'tɛdn ɔ di. Pɔl tɛrlden ɔ jeege ooyga kooyo ute jee utu inɔ zɛɛɛ se, naade paac dook ute Isa al-Masi, taa bii kalaɔ naade utu 'dur daan yoge tu paac.

Pɔl raan ɔl tɔasin jeege tun Tesalonik ki

¹ Kɛn ara maam Pɔl bo m'raansɛn maktubm se ute Silban ɔ Timote, naase jee *egliz kɛn maakɔ geger kɛn Tesalonik ki, kɛn 'tɛdkiga gen Bubjege *Raa ɔ gen Mɛljege Isa *al-Masi. ɔn Raa asɛn tɛdn bɛɛna ɔ asɛn kɛdn lapia.

Pɔl tɔɔm Raa taa jee Raagen Tɛsalonik ki
(Plp 1.3-6; Kɔl 1.3-8)

² Daayum naaje k'tɔɔm Raa ɔ k'tɔnd mɛtiŋ k'l'ɔŋ ey kici taa naase paac. ³ Naan Bubjege Raa ki se, daayum naaje k'saap do kaal maakɔ naase, kɛn naase aalki do Isa *al-Masi ki jaay ɔlsen 'tɛdki nakgen jiga se. Ute maak-je naase ɔkki do Isa ki se ɔlsen naase 'tɛdki naaba jiga ɔ aayki kaamse ɔndki dose do Mɛljege tu Isa al-Masi ki. ⁴ Genaa maakjemge, naaje k'jeele Raa se naan jese ɔ naan ɔ bɛɛr tɔɔdseno taa aki tɛdn jee naange. ⁵ 'Booyki, Labar Jigan gen Isa al-Masi se naaje k'taadseno se ute taarje sum eyo, num ute tɔɔŋ *Nirl Salal ɔ naaje k'jeel maakje ki taar naaje k'taadseno se taar met ki. Naase kic 'jeelki kaaf kɛn naaje j'ingkiro tɛl se, nakgen naaje k'tɛdo paac se, k'tɛdfɛno taa asen noogo.

⁶ ɔ nakɔ kɛn Mɛljege tɛdo jaay naaje k'tɛd se ɔ, naase 'tɛdki aan gɔɔ gen naaje se kici. Deere, jeege dabarsenoga dɛna naɔo ute naan se kic ɔ, naase 'took uunkiro taar Raa maakse ki se ute maak-raapm kɛn Nirl Salal ɛdsesiŋ se. ⁷ Bin ɔ naase 'taadkiga doobo jee Raage tun paacɔ taa naan Masedoan ki ute kɛngen taa naan Akayi ki. ⁸ Deere, taar Raa se iino gɔtse ki se bini aanga taa naan Masedoan ki ute taa naan Akayi ki sum eyo, num gɔtɔ baa se paac, jeege booyga kɛn naase aalkiga maakse do Raa ki se. Taa naan se, naaje j'kɔŋ kɔɔsn maaniŋ ey sum, ⁹ taa jeege paac ɔɔs maanse gen kɛn naase 'dɔɔd ɔkjekiro jiga kaaf kɛn naaje j'ingo gɔtn naase ki se. ɔ naade ɔɔs maanse taa naase raagen dɛɛr ey se, naase rɛs ɔndenkiga naata ɔ 'tɛrlkiga maakse gen tɛdn naaba Raa kɛn zɛɛɛ ɔ kɛn met ki. ¹⁰ Bɔɛse, naase iŋg aakki kaak kaam Goon Raa adɛ baa maakɔ raa ki, gooniŋ se ɔ, naan durino daan yoge tu ɔ naan ɔ Isan kɛn ɔɔdjeki dojege taa maak-taar Raa ɔɔy

dojege tu eyo bii ken naan an kɔjn bɔɔrɔ do jeege tu se.

2

*Naabm *Raa* ken Pɔl tɛd maakɔ gɛgɛr ken Tesalonik ki
(*NJKN 20.18-21,31-35; 2Kɔr 6.3-10, 12.12-15*)

¹ Genaamge, naase mala 'jeelinki, ken naaje jaay j'ingɔ gɔtse ki jaay naase 'dɔɔd ɔkjekiro jiga se, cɛr eyo. ² Num naase kic 'jeelki naaje se k'dabarjenoga ɔ k'naajenoga maakɔ gɛgɛr ken Pilip ki, jaay bo k'l'iin k'baado gɔtse ki. Ey num jee wɔɔyjege se tap bo paac paac ɔnjen doob eyo, nabo Raa se, ɛdjenga kaay kaama taa j'asen taadn Labar Jiga gen Isa *al-Masi. ³ Taa taar Raa ken naaje k'baa k'taadsen se, ɔk taar-kɔɔb eyo. ɔɔ naaje lɛ k'l'ɔk saapm jaay jig ey se do nam ki eyo ɔɔ k'je kaan nam dal eyo. ⁴ Gaɔ Raa se naan aakje naaje j'aɔ kɔɔn kaas se jaay bo, naan ɛdjeno Labar Jiga gen Isa se kaam jije gen baa taadn jeege tu. Anum naaje k'je k'taad se k'je bo k'tɛdn nakɔ ken tɔɔl jikilimge tu eyo, num ken tɔɔl Raa ki, naan ken jeel naɔ saapm maakjege tu paac. ⁵ Taa naase 'jeelki, naaje k'l'ɔɔ k'taad te taar gen kaan nam dal eyo ɔɔ k'je te doobm tam eyo ɔɔ Raa kic bo jeele. ⁶ ɔɔ naaje se k'jedɔ te doobm naase bo ajeki tɔɔm eyo ɔɔ k'je jee kuuy bo aje tɔɔm ey kici. ⁷ Ey num naaje k'jee kaan naabm al-Masige se, naaje bo ken k'jee magalsegen ken j'ɔk doobo ajekiga tɛdn naaba, gaɔ naaje k'l'ɔɔ k'tɛdɔ te naan se eyo. Num naaje j'ingɔ maakse ki se k'tɛdɔ jeege ɔɔn rode urlu aan gɔɔ ko gaangen ken aak do gɛndege tu. ⁸ Taa maak-je naaje k'l'ɔk dose ki se, k'je bo j'aseno taadn Labar Jigan gen Raa se sum eyo, num j'ɔɔ roje paac bo taa naase, taa naase 'tɛdkiga jee kɔɔn maakjege. ⁹ Deere genaamge, naase utu 'saapki do dubarje ki ɔɔ do naab ken naaje k'tɛd jaay ɔɔr nanjeno tak tak se. Naaje k'tɛdɔ naaba nɔɔrɔ katara, taa

maakse ki se naaje k'je k'l'kɔɔpm kaam ji nam eyo ɔɔ ute naan̄ se ɓo, naaje k'taadseno Labar Jigan gen Raa se.

¹⁰ Naase kic ɓo saadjege ɔɔ Raa kic ɓo saadje: naaje j'ingɔ daan naase jeege tun aalkiga kaal maakse do Isa al-Masi ki se, kingje se, king *salal ute ɔoobina ɔɔ nakɿ jaay akiro kɔɿ aak kus roje ki se gɔɔ. ¹¹ Naase 'jeelki, maakse ki se, nana kic naaje j'aakiɿo don̄ ki aan gɔɔ bubm ken aak do geninge tu se. ¹² Naaje k'dejseno ɔɔ k'l'ɛdseno kaay kaama ɔɔ k'taadseno k'je aki king aan gɔɔ ken Raa maakin̄ jen ro ki, naan̄ ken dɔnseno taa aki kend maakɿ gaarin̄ ki ɔɔ maakɿ *nookin̄ ki.

Pɔl tɔɔm Raa daala taa jee Raagen Tesalonik ki

¹³ Taa naan̄ se ɓo naaje k'ting k'tɔɔm Raa taa naase booy uunkiroga taar Raa ken naaje k'taadseno se, naase 'tookkiga do ki ɔɔ 'jeelin̄ki taargen se gen jikilimge eyo num taar Raa. ɔɔ ɔeere, naan̄ se taar Raa mala. ɔeere, taar se utu tɛɔn̄ naaba maakɿ naase ken aalkiga maakse do Isa *al-Masi ki se kici. ¹⁴ Bin num genaamge, naase kic 'tɛɔkiga aan gɔɔ jee *eglizgen taa naan̄ Jude ki ken tɛɔga jee Isa al-Masige se. Naade se, taasde Yaudgen metinge lee dabardeno ɔɔ ɓɔrse se, naase kic taassege lee dabarse bin kici. ¹⁵ Naade Yaudge se ɓo ken tɔɔlo Meljege Isa ute jee ken taad taar teeco taar Raa ki, ɔɔ naade se ɓo ken lee dabarjeno naaje kici. ɔɔ nakgen Yaudge tɛɔ se tɔɔl Raa ki eyo ɔɔ naade se tɛɔga jee wɔɔy jikilimge paac. ¹⁶ Naade Yaudgen ese se ɓo, gaasjen gen taadn̄ taar Raa jeege tun Yaudge eyo taa naade 'kɔɿ kaaj eyo. Ken naade tɛɔ bin se naade lee ziif *kusiɿdege do kusiɿde ken naade lee tɛɔ se. ɔɔ ɓɔrse se kusiɿde se deelga gɔɿina. Num do taar tɔɔlin̄ ki se, maak-taar Raa se, ɓɔɔyoga dode ki.

Pól je baa kaakj jee Raagen maakj geger ken Tsalonik ki

(NJKN 17.14-16)

¹⁷ Genaamge, gōtn k'j'iin k'j'ōnseno sum se, daanin dōkga k'j'ōj k'j'aakki te daan-kaam naapge eyo. Ute naan se kic bō, naaje j'utu k'saap dose ki. Bin num, ute dōobm gay kic bō naaje k'je j'asen baa kaakj daala. Taa naaje se k'j'ōk maak-je dose ki den aak eyo. ¹⁸ Taa naaje k'je k'kōkj terl j'asen baa kaaka, ken tap ki se maam Pól bō m'taad m'dōolga dōol gen baa kaak se, nabō *Bubm sitange se gaasjen dōobo. ¹⁹ Genaamge, 'jeelki, naase bō jee ken naaje k'j'ōnd doje dose ki, wō edjen maak-raapo bii ken Mēljege Isa adē baa se taa naase se naaje doje tedn raan. Taa naase bō ken 'taadki jeege tu paac wōki naabje se, naabm jiga. ²⁰ Deer deer, naaje se maakje raapm dose ki wō naaje *k'nook Raa taa naase.

3

¹ Anum ken naaje jaay j'ōj te labarse ey se, j'ōj j'aasin te eyo, naaje k'j'uuno doa gen kōōpm king maakj geger ken Aten ki kalje ki, ² wō Timote se bō naaje k'j'ōlinō gōtse ki. Timote se naan genaaje wō naaje k'ted naabm *Raa kalan. Labar Jigan gen Isa *al-Masi se, naaje k'taadin jeege tu tēē. Naaje k'j'ōlin gōtse ki se taa asen noogo wō asen kēdn kaay kaama wō taa naase aki king tōōgō dōobm al-Masi ki. ³ Bin bō, dubargen aan bōrse dose ki se asen kōj kōl naase anki rēsn ute dōobm Raa eyo. Taa naase mala kic 'jeelin ki, dubargen bin se, utu 'kaan dojege tu. ⁴ Kaad ken naaje k'j'ingo gōtse ki se, naaje k'taadsenoga j'ō naajege se j'utu j'ajenki dabara wō nakj se aanga dojege tu wō naan ese se, naase kic 'jeelin ki. ⁵ Taa naan se bō, maam m'ōj m'aasin te gen king booy den eyo, maam m'ōlsen Timote, taa baa gōtse ki taa amo baa ute labarse, naase utu ingki do kaal

maakse ki se deɣ la? Maam m'beer m'ɔɔ sɔm daan naane *Bubm sitange naamsenga ɔɔ ute naan se naabjen k'ted daanse ki se 'kutn cɛɛ.

⁶ Borse, Timote ken iino gɔtse ki se aan ɔnjenga ɔɔ naan baanjenoga ute labar jiga gen kaal maaksen do Raa ki ɔɔ gen maak-je ken naase ɔkki ute naapa. Naan taadjɛn ɔɔ daayum naase utu 'saapki doje ki jiga, ɔɔ je ajeki kaaka aan gɔɔ naajen k'je j'asen kaak se kici. ⁷ Bin num genaamge, maakɔ nakge tun ɔɔɔ ute dubargen aan dojege tu paac se, naase ɛdjekiga kaay kaama ute kaal maakɔ naasen aalki do Mɛljege tu se. ⁸ Borse naase utu ingki tɔɔg doobm Mɛljege tu se, taa naan se naaje kic kingje tɛdga jiga. ⁹ Naaje j'ɔk taar ken 'kaasn jaay j'an tɔɔm Raa se tap bo gɔtɔ, taa maak-raapm ken naaje j'ɔko taa naase naan Raa ki. ¹⁰ Nɔɔɔ katara naaje k'tɔnd metin te maakje paac, taa ajen kɔɔdn doobo tɛr j'asen baa kaaka ɔɔ j'aseno dooy nakɔ ken naase 'jeelki te metin ey bɔrtɔ doobm al-Masi ki taa aki baa ute naan se.

¹¹ ɔɔ Raa Bubjege mala ute Mɛljege Isa ajen kɔɔdn doobo k'baa gɔtse ki. ¹² Maakje ken naase ɔkki do naapge tu ɔɔ do jeege tu paac se, ɔɔ Mɛljege asenin ziidn baa ute naanina, tecɔn aan gɔɔ ken naaje k'jesɛ naase se kici. ¹³ ɔɔ tɛr, ɔɔ Mɛljege asen tɔɔgɔn maakse taa naan Bubjege tu Raa ki se naase aki tɛdn jeegegen *salal ɔɔ nam 'kɔɔn dim aak kus rose ki eyo, bii ken Mɛljege Isa al-Masi ade baa ute jeenge paac se.

4

ɔnki kingse se 'tɔɔl *Raa ki

(1Pr 1.14-16, 4.1-5; ɛp 5.3-8; 1Kɔr 6.13-20)

¹ Genaamgen doobm *al-Masi ki, borse do taar tɔɔlin ki se, naaje k'je j'asen taada: taa naaje k'dooyenoga te doobm jaay naase aki king num tɔɔl Raa ki se. Deere, borse

se kingse se tecga aan gɔɔ naan se. Taa naan se bo naaje k'tɔnd metse ute ro Mɛljege Isa al-Masi se, kingsen bin se, ɔkiŋki ɔɔɔ ɔ ɔ'baansin̄ki te naan se. ² Taa naase 'jeelki nakɔ kɛn naaje k'taadseno gen tɛda se, nakɔ se Mɛljege Isa bo taad jeege tu gen tɛda. ³ Nakɔ Raa maakin̄ jen ro ki se, naan je naase aki kɔn rose paac naan ki ɔ naɔa kic bo bɔɔbm kɔkɔ roɔa gen baa je mɛnd jeege eyo ɔ gen baa je gaabm jeege eyo. ⁴ Ɖɔ maakse ki se, naɔa kic bo ɔn̄ kingin̄ ute mɛndin̄ se tɛdn̄ aan gɔɔ kɛn Raa maakin̄ jen ro ki, ɔ bin se, jeege kic adɛn kaal maak ki; ⁵ ɔ ɔntɛn kɔnki rose gen tɛdn̄ nakgen jig eyo kɛn maakse bo jea, aan gɔɔ gen jeegen jeel Raa mal eyo lee tɛd se. ⁶ Ɖɔ nam ɔntɛn tujɔ ro genaana kɛn doobm Isa al-Masi ki ɔ ɔntɛn 'kaanin̄ dala. 'Jeelki, jeegen jaay tɛd bin se, Mɛljege utu adɛn dabara ɔ taar se lɛ naaje k'taad k'dɔɔlsenga dɔɔlɔ. ⁷ Taa Raa danjekiro se taa j'aki king bo gen tɛdn̄ nakgen jig ey kɛn maakjege je se eyo, num gan̄ taa j'aki tɛdn̄ jee *salal. ⁸ Taa naan se bo, debm kɛn jaay baate booy kuun taarse se, naan ɔɔd und debkilim eyo, num naan ɔɔd und Raa debm ɛdsen Nirlin̄ Salal se.

⁹ Genaaenge, gen maak-je daanse ki ute naapa se, naaje j'asen kɔn raan taarin̄ ey sum, taa Raa mala taadsenga maakse ki ɔ j'eki naapa. ¹⁰ Deere, genaagen Masedoan ki se, naase 'jedeki paac. Num naaje j'ɛdsen kaay kaama, maak-je ese se baansin̄ki ute naanina. ¹¹ Ɖɔ aayki kaamse taa aki king ute tɔɔsɛ ute naapa, ɔntɛn kɔlki dose maakɔ taar jeege tun kuuy. 'Tɛdki naaba ute jisege mala jaay bo aki kɔn dim anki tin̄gi, aan gɔɔ kɛn naaje k'doyseno. ¹² Kɛn kingse jaay tec bin se, jeegen jeel Raa mal ey jaay 'kaakɔ se, asen kaal maak ki. Ɖɔ naase kic bo 'jeki nam bo asen kul eyo.

*Bii kɛn Mɛljege Isa ade tɛrlɛ
(1Kɔr 15.19-58)*

¹³ Gɛnaamge, naaje k'je naase aki jeele nakɔ kɛn utu 'kaan do jeege tun ooyga kooyo, taa naase aki king maakɔ maak-tuj ki eyo, aan gɔɔ jeegen jaay nakɔ naade an kɔnd dode ro ki gɔt se. ¹⁴ Kɛn naajege jaay k'jeelki Isa se naan ooyoga ɔ duroga daan yoge tu num, bin se, naajege kic k'jeelki jeegen aalga kaal maakde do Isa ki jaay ooyoga kooy se, ute doobm Isa se, Raa utu aden duru daan yoge tu kici. ¹⁵ 'Booyki, kɛse bo taar Mɛljege dooyno jeege ɔ naaje k'je j'asesin taada: bii kɛn Mɛljege ade baa se, naajegen j'utuki zɛɛɛ do naan ki se j'aki kɔɔj deel kɔɔj jee kɛn ooyga kooy se eyo. ¹⁶ Taa bii kɛn Mɛljege ade baa se, naan mala 'taadn makɔɔ, ade kund kulu magal kɔdɔnge tu ɔ naan 'dan jeege. Naan kɛn se, k'tuuy pul Raa ɔ Mɛljege mala ade bɔɔy maakɔ raa ki ɔ jee ooyoga kooy doobm *al-Masi ki se, naade se bo ade dur daan yoge tu deete. ¹⁷ Jaay bo Raa ajeki tɔsn naajegen j'utuki k'zɛɛrki, j'aki tum ute naade tɛɛ ɔ j'anɔki baa dɔdɔn Mɛljege raan maakɔ gapar ki, ɔ j'aki baa tinɔg ute naana gen daayum. ¹⁸ Ute taargen se bo, ɛdki 'kaay kaama naapge tu.

5

*Ingki zɛɛr daayum
(Mt 24.36-51; Lk 12.35-40; Rm 13.11-14)*

¹ Gɛnaamge, gen kaadina ute biin kɛn Mɛljege ade baa se, naase 'jeki j'asenga raan jaay ey sum, ² nakgen se naase mala kic bo 'jeelinɔki jiga: *biin Mɛljege ade baa se tecɔn aan gɔɔ debm boogɔ baado daan nɔɔr ki. ³ Kaad kɛn jeege deekɔ ɔ: «Naaje j'ingki ute tɔɔsɛ ɔ nakɔ ajenki tujɔn maakjege lɛ gɔtɔga sum se,» kaad kɛn se sum bo, gɔtɔ se naar tujɔn kasak kasak, aan gɔɔ mend mendkaama kɛn

maakij̄ tuunij̄ gen koojo, ɔ bii ken se naade 'kɔŋ kaan̄ kot eyo.

⁴ Num, naase genaamge, naase le ingki maakj̄ gɔt ken ɔd̄ ey se; taa naan̄ se bo, bii se kic asen kɔŋ kɔkɔŋ do jise ki aan gɔɔ debm boog eyo. ⁵ Taa naase paac 'tedkiga gaan gɔt ken wɔɔɔ ɔ jee maakj̄ katara ki; bin se naajege se jeegen lee maakj̄ nɔɔr ki eyo ɔ maakj̄ gɔt ken ɔd̄ eyo.

⁶ Taa naan̄ se j'ɔŋten 'toodki bia aan gɔɔ jeegen kuuy bɔrse tood tood se, num j'ingki zɛɛɛ ɔ k'bɔɔb k'j'ɔkki rojege. ⁷ Jee toodn̄ bige se le, lee tood nɔɔr ɔ jee kaay koonge kic le, lee taay toon nɔɔr. ⁸ Naajege se k'gaan katarge. Taa naan̄ se, k'bɔɔb k'j'ɔkki rojege, kaal maakjegen do Isa ki ɔ maak-je ken k'j'ɔkki do jeege tu se j'adenki tuusn̄ aan gɔɔ saapo. Naajege k'j'ɔndki dojege do *Raa ki naan̄ bo debm ajeki kaaja, ɔ naan̄ se tec aan gɔɔ debm ɔnd baay maala bo don̄ ki. ⁹ 'Jeelki, Raa danjekiro se taa j'aki kɔŋ kaaja ute doobm Meljege Isa al-Masi ɔ taa maak-taarin̄ 'bɔɔy dojege tu eyo. ¹⁰ Isa al-Masi se ooyga taa naajege, bin bo jeegen ken utu ing zɛɛɛ, ey le jeegen ken ooyga kooy se, naajege paac j'ing k'dɔɔkki ute naana. ¹¹ Bin num ɛdki kaay kaama naapge tu ɔ 'tɔɔgki maakj̄ naapge, aan gɔɔ ken naase lee 'tedin̄ki ted se.

Pɔl nan̄ taarin̄a ɔ tedden tɔɔɛ

(Rm 12.17-21)

¹² Genaamge, k'deekseni, naaje k'je jeegen jaay lee dabar ted naaba daanse ki se, aaldɛki maak ki. Taa naade se, Meljege bo ɔldeno taa asen tɔɔɔ ɔ asen deje. ¹³ Taa naabm naade ted daanse ki se ɔkɛdki ɔŋɔ ɔ jedɛki. Ingki ute tɔɔɛ ute naapa.

¹⁴ Naaje k'deekseni genaamge, jee kaar-naabge se 'mooyɛdɛki. ɛdki kaay kaama jeege tun maakde ing kaam kalaŋ eyo, ɔ jeege ken ɔk tɔɔg ey se 'noogɛdɛki ɔ ɔŋki

maakse 'tedn deere ute jeege paac. ¹⁵ Ɔndki kɔndɔ kɛn nam jaay tedi *kusiŋ se, ɔnte tɛrlinsina, num daayum 'jeki gen tɛdn bɛɛ ute naapa ɔɔ ute jeege paac.

¹⁶ Daayum ingki te maak-raapo. ¹⁷ Daayum 'tɔndki metn Raa. ¹⁸ Ɔɔ maakɔ nakge tun aan dose ki paac se, 'tɔɔmki Raa. Kɛse ɔo nakɔ kɛn Raa maakinɔ jen ro ki ɔɔ anki tɛda, naasen kɛn doobm Isa al-Masi ki se.

¹⁹ Naabm *Nirl Salal je tɛda se, ɔnten 'gaasinki; ²⁰ jeegen jaay taad taargen teeco taar Raa ki se, taar naaden taad se ɔnte kuum kaalinɔki naanɔ ki. ²¹ Num maakɔ nakge tu paac se, aak ɔkinɔ jiga jaay ɔo, kɛn bɛɛ maak ki se, uunki.

²² Napar kusinge paac se ɔɔdki dose ro ki.

²³ Ɔn Raa mala kɛn ɛdɔjeki tɔɔse se, asen tɛdn aki tɛdn jee salal mala mala ɔɔ rose, kose ɔɔ nirlse se ɔn Raa an ɔɔɔbm jiga ɔɔ bin se j'kɔn ne dim aak kus rose ki eyo bii kɛn Mɛljege Isa al-Masi adɛ ɔaa se. ²⁴ Raa danɔseno se, naanɔ 'kɔn tɛdn nakɔ se, taa naanɔ se debm tuj ɔrminɔ eyo.

²⁵ Gɛnaamge, naase kic 'tɔndki metn Raa taa naaje.

²⁶ 'Tɛdki tɔɔse gɛnaage tun paacn doobm al-Masi ki ɔɔ baam 'tɔkki naapa ɔɔnɔ aan gɔɔ gɛnaa naapge.

²⁷ Maam m'dɛekseni ute ro Mɛljege, kɛn maktubm se jaay ɔnjinkiga num, 'dooyinkɔ naan gɛnaage tu paac. ²⁸ Ɔn Mɛljege Isa al-Masi 'tedn ute naase ɔɔ asen tɛdn bɛɛna.

Kitapm ken Raa doko kiji ute jeege
New Testament in Kenga

copyright © 2012 Wycliffe Bible Translators, Inc.

Language: Kenga

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kenga

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

